

УБМБУ Судакъ шеэри
больгеси
«Къырымтатар тилинде
окъуткъан 3 номералы
орта умумтасиль
мектеби»

КЪЫРЫМ ЭВЛЯДЫ

V НЕШИР

Январь
2024с.

Газетанынь бу
номерасында:

Халкъымызнынъ къараман къызы

- ▶ Халкъымызнынъ къараман къызы
- ▶ Эгленджели саифе
- ▶ Масал



▶ 19 яшындаки къырым къызы Алиме Абденнанова душман астында олгъан топрагъымызгъа ёлланылгъан разведкаджы эди.



▶ Оны радиохаберджинен берабер учакъта Къырымгъа, догъмуш Джермай-Къашыкъ кою янына ташладылар. Олар экиси зембильнен энип, кимсеге корюмейип, къартанасынынъ эвине бардылар ве анда ерлештилер. Вазифелер фашист аскерлери ве арбий техникасыннынъ сайысы, не вакъыт ве насыл тарафкъа кеткенлери акъкъында малюмат топлап, рациянен штабгъа бильдирмек эди. Алиме озъ вазифесини алий дереджеде беджерди, 10 ай ичинде бойле чокъ къыйметли 81 телеграмма ёллады. Кенишче ве там догъру малюмат топламакъ макъсадынен о, койде яшагъан тувгъанларындан ве дигер ишанчлы адамлардан озюне ярдымджылар джелъп этти.

▶ Булардан энъ фааль иштирак эткенлер: Алименинь дайысы Абдуракъип Болатов, оджапче Неджибе Баталова, Хайрулла Мамбетджанов, агъа-къардаш Джеват ве Сейфедин Меннановлар, фельдшер Васфие Аджибаева эдилер. Джеват даа мектепни биле битирмеген эди. Алименинь группасы не къадар сакът олып, гизли чалышса да, кимлернинъдир себебинден оларны якъаладылар.

▶ Эски-Къырым зинданында булунгъан башкъа ватанперверлернен берабер Алименинь гизли разведкаджылар группасынынъ азаларыны Агъармыш дагъы этегинде къуршунгъа тиздилер. Алимени исе Акъмесджитке кетирип, агъзындан бир сёз аламагъан сонъ, совхоз «Красный» дживарында къуршунладылар.

▶ Джермай-Къашыкъ кою ёкъ олгъан, амма къырымтатар джемааты озъ къараманларыны унутмай ве 1987 сенеси А. Абденнановагъа Акъмесджит – Керич ёлунынъ Ленинское кою янында эйкель коюлды. Бу сене ноябрь айында бу эйкельнинъ реставрациясы кечирильген сонъ тантаналы ачылышы оладжакъ. О, олюмден сонъ Къызыл Байракъ орденинен мукафатланды.

▶ 2014 сенеси 1-сентябрь куню Къырымнынъ шанлы къызына Русие къараманы унваны берильди.


▶ О, олюмден сонъ Къызыл Байракъ орденинен мукафатланды.

Эгленджели саифе

1. Бу ресимлерде олгъан 10 фаркъны тап.



2. Эр мейваны озь кьутусына кьой.



Масал

«Тылсымлы хавуч»

Къыш кельди. Топракъ, дагълар – бутюн ер къар ёргъанынен ортыюлды. Кичкене Тавшанчыкънынъ эвинде бир тюрлю аш къалмады. Тавшанчыкъ пек ач олды. Дагъгъа барып, ашамагъа бир шейлер къыдырайым, деди.

Тавшанчыкъ къар тюбюнде къыдырды, къыдырды ве Шамечикни хатырлады. Къар терен, сувукъ, Шамечик эвде отурадыр эм, мен киби, ач олгъандыр, тюшонди Тавшанчыкъ. Бир шейлер тапсам, мытлакъа онен пайлашырым. Бираздан о эки хавуч тапты.

Къуванды Тавшанчыкъ, хавучларны алды ве Шамечикке чапты. Къапуны къакъты, амма эвде кимсе ёкъ экен. Бакъса, къапу ачыкъ. Тавшанчыкъ уфакъ хавучны озю ашады, буюкче союны исе масада къалдырды.

Шамечик де бу вакъытта аш къыдыра экен. Шамечик къар тюбюнде къыдырды, къыдырды ве Сыгъынчыкъны хатырлады. Къар терен, сувукъ, Сыгъынчыкъ эвде отурадыр эм, мен киби, ач олгъандыр, тюшонди Шамечик. Бир шейлер тапсам, мытлакъа онен пайлашырым.

О, бир къач ер джевици тапты ве Сыгъынчыкъкъа ашыкъты. Озь эви янында кечкенде, бакъса, къапу ачыкъ. Ким кельген экен, тюшонди Шамечик. Эвге кирсе, масада хавуч ята. Шашты. «Къайдан кельди бу хавуч? А-аа! Достларым кетиргендир!», – тюшонди о, ве Сыгъынчыкъкъа хавучны алып барайым, деди. Амма Сыгъынчыкъ эвде ёкъ эди. Шамечик хавучны пенджере тюбюне къойды ве къайтты.

Сыгъынчыкъ да дагъда аш къыдырды, къыдырды ве Аювчыкъны хатырлады. Къар терен, сувукъ, Аювчыкъ эвде отурадыр эм, мен киби, ач олгъандыр, тюшонди Сыгъынчыкъ. Бир шейлер тапсам, мытлакъа онен пайлашырым.

О къар тюбюнден ешил отчыкъ тапты ве Аювчыкъкъа кетти. Озь эви янында кечкенде, бакъса, пенджерере хавуч ята. Ким кельген экен, тюшонди Сыгъынчыкъ. Сонъ бу бахшышны достлары кетиргени акълына кельди. О, хавучны Аювчыкъкъа алып бармагъа ниетленди. Амма Аювчыкъ эвде ёкъ эди. Сыгъынчыкъ хавучны къапу янына къойды ве эвине кетти.

Аювчыкъ исе дагъда аш къыдыра эди. Къыдырды, къыдырды ве Тавшанчыкъны хатырлады. Къар терен, сувукъ, Тавшанчыкъ эвде отурадыр эм, мен киби, ач олгъандыр, тюшонди Аювчыкъ. Бир шейлер тапсам, мытлакъа онен пайлашырым.

О къар тюбюнден ешил отчыкъ тапты ве Аювчыкъкъа кетти. Озь эви янында кечкенде, бакъса, пенджерере хавуч ята. Ким кельген экен, тюшонди Сыгъынчыкъ. Сонъ бу бахшышны достлары кетиргени акълына кельди. О, хавучны Аювчыкъкъа алып бармагъа ниетленди. Амма Аювчыкъ эвде ёкъ эди. Сыгъынчыкъ хавучны къапу янына къойды ве эвине кетти.

Аювчыкъ исе дагъда аш къыдыра эди. Къыдырды, къыдырды ве Тавшанчыкъны хатырлады. Къар терен, сувукъ, Тавшанчыкъ эвде отурадыр эм, мен киби, ач олгъандыр, тюшонди Аювчыкъ. Бир шейлер тапсам, мытлакъа онен пайлашырым.

О, бузлу топрактан татлы къартоп къазып чы къарды ве Тавшанчыкъкъа ашыкъты. Озь эви янында кечкенде, бакъса, босагъада хавуч ята. Ким кельген экен, тааджиplenди Аювчыкъ. «Эбет, эбет, о меним достларым, мени къайгыралар, – къуванды о. – Къана, бу хавучны Тавшанчыкъкъа алып барайымчы!»

Аювчыкъ Тавшанчыкънынъ эвине баргъанда, о, татлы хавучны ашап тойгъан сонъ, юкъламагъа яткъан экен. Аювчыкъ достумны уянтмайым деп, хавучны Тавшанчыкънынъ ятагъы янында къойды ве эвине къайтты. Саба юкъудан уянгъан Тавшанчыкъ козюни ачкъанынен хавучны коръди.

– Вай! Хавучым къайткъан! Тылсымлы экен!

